

## Thawj Tsaavxwm Tej Kev Xaav

Muaj ib yaam kws kuv pum has tas tseem yog teebmeem huv cov pawg ntseeg. Qhov ntawd yog peb muaj tej tug thawjcoj kws tsi tau paub Vaajtsww zoo lug ua tsaavxwm. Cov thawjcoj nuav yog cov kws yeej paub qaabhau hab tuabneeg fwm puab. Vim muaj tuabneeg fwm puab ces thaum xaivtsaa kuj muaj tug xaav kuas puab lug tuav dlejnum huv pawg ntseeg. Tabsis has txug saab ntsujplig puab tsi tau yug dlua tshab. Thaum cov tsaavxwm lug has dlejnum saab ntsujplig nwg tsi totaub hab tsi nyam. Thaum ntawd, nwg yuav siv nwg lub fwjchim kws tuabneeg fwm nwg lug yuam lwm tug tsaavxwm kuas ua le nwg has. Yog nwg yuam tsi tau ces nwg ca le has kuas cov tuabneeg kws fwm nwg xob muab kev koom teg nrug cov tsaavxwm. Thaum le ntawd ces teebmeem txhaj tshwm tuaj.

Kuv xaav tas yuav kuas tsi xob muaj teebmeem yuav tsum yog peb xob xaiv tug kws tsi paub Vaajtsww zoo lug ua cov tsaavxwm. Peb yuav paub tau le caag tas tug ntawd txhaj yog tug ntseeg Vaajtsww zoo? Peb paub tau yog thaum muaj teebmeem nwg coj le tug ntseeg.

*Peb cov kws muaj kev ntseeg ruaj lawm, tsimnyog peb paab cov kws muaj kev ntseeg tsawg, hab peb tsi xob ua kuas hum peb sab xwb. Peb txhua tug yuav tsum ua kuas hum peb cov kwvtij kws ntseeg sab, txhaj yuav paab tau puab, kuas puab muaj kev ntseeg ruaj, (Loos 15:1-2).*

## Rooj Saablaaj Txwm Xyoo



### Lub Neej Dlawbhuv

Petus has tas mej yuav tsum dlawbhuv le kws Vaajtsww yog tug dlawbhuv (1 Petus 1:16). Nuav yog lub ntsablug rua peb lub Rooj Saablaaj Txwmxyoo xyoo nuav. Muaj ntau zag peb tsi tshua quavntsej txug lubneeg dlawbhuv, vim peb xaav tas yog ibyaam nyuaj kws yuav ua tau. Hab muaj ntau zag cov xwbfbw los qha has tas nwg yog ib yaam tsi yoojyim totaub, vim kev dlawbhuv yog Tswv Yexus cov ntshaav xwb. Yog le ntawd, thov mej npaaj sab tuaj kawm txug lub neej dlawbhuv lug ntawm cov xwbfbw nraag nuav:

Dr. Abraham Poon. Nwg ua xwbfbw rua pawgntseeg Chinese Alliance Church nyob Santa Rosa, CA. Nwg txeev ua tug Lwmthawj Tsaavxwm C&MA yaav taag lug. Nwg yuav qha txug "Tsi Dlawbhuv, vim dlaab tswj lawm (bondage life)."

Kx. Nom Pov Vaj. Nwg ua xwbfbw rua pawg ntseeg Providence Hmong Alliance Church, RI. Nwg yuav qha txug "Dlawbhuv Lug Ntawm Xob Sisnrauj."

Dr. Txawj Teev Vaj. Nwg ua xwbfbw rua pawg ntseeg Hmong American Alliance Church, Maplewood, MN. Nwg yuav qha txug "Dlawbhuv Lug Ntawm Xob Yuav Namyau."

Kx. Num Yig Hawj. Nwg ua xwbfbw rua pawg ntseeg Hmong Community Alliance Church, Brooklyn Center, MN. Nwg yuav qha txug "Dlawbhuv Lug Ntawm Xob Dlaag."

Kx. Xulus Xyooj. Nwg ua xwbfbw rua pawg ntseeg Clear Water Hmong Alliance Church, Clearwater, FL. Nwg yuav qha txug "Dlawbhuv Lug Ntawm Xob Ua Plaub."

Kx. Vaam Txus Yaaj. Nwg ua xwbfbw rua pawg ntseeg Green Bay Hmong Alliance Church, Green Bay, WI. Nwg yuav qha txug "Tug Thawjcoj Dlawbhuv."

Kx. Vaam Choj. Nwg ua xwbfbw rua pawg ntseeg Grace Hmong Alliance Church, Milwaukee, WI. Nwg yuav qha txug "Dlawbhuv Lug Ntawm Xob Sabhlab."

Kx. Nom Lwm Kwm. Nwg yog Thawj Tsaavxwm ntawm HKM. Nwg yuav qha txug "Yuav Tsum Dlawbhuv le Vaajtsww Yog Tug Dlawbhuv."

### Thov Vaajtsww rua Tuabneeg Mob

Nub Friday thaum sawvntxuv yuav muaj kev thov Vaajtsww rua cov tuabneeg mob. Thov caw mej cov kws muaj mob tuaj nrug peb koom. Cov xwbfbw yuav thov Vaajtsww paab mej.

### Thov Vaajtsww

Ncu ntsoov thov Vaajtsww paab lub rooj saablaaj txwm xyoo kuas moog tau zoo, vim xyoo nuav peb yuav has dlejnum ntau yaam, tshwjxeeb yog Kevcai Lijchoj hab kev qhuabqha.



## **Ntsib Xwbfbw Tshab**

Peb muaj ntau tug xwbfbw tshab kws lug ua xwbfbw rua xyoo 2009 nuav, tabsis peb npaaj tsi tau puab lubneej lug qha rua mej paub. Muaj ibtug kws HKM xaav coj mej moog paub nwg, tug ntawd yog Xf. Xeev Looj Thoj. Nwg ua txwjlaug rua pawg ntseeg Fitchburg, MA tau ob peb xyoo. Tuab lub sijhawm ntawd nwg kuj kawm TEE kws yog track ua xwbfbw. Thaum nwg kawm tav lawm HKM txhaj muab nwg tsaas ua xwbfbw. Lub 4 hlis ntuj nuav nubtim 5, pawg ntseeg Fitchburg txhaj txais nwg lug ua lay pastor rua puab. Nuav yog ib qho qauv zoo kws cov pawg ntseeg miv kws yug tsi tau xwbfbw yuav tau xyum. Tuab txuj kev

nuav txhaj yuav paab tau peb txhua pawg ntseeg kuas muaj xwbfbw. Ca sab has tas lwm pawg ntseeg yuav ua tuabyaam nkaus.



## **Kev Cobqha**

Xyoo nuav yog ib xyoos kws HKM npaaj muaj kev cobqha ntau heev, vim muaj kev hloov kev ua dlejnum ntawm HKM. Yog le ntawd, phaab Disciplemaking Ministry hab Church Multiplication txhaj koom teg cobqha cov thawjcoj ntawm txhua pawg ntseeg txug HKM lub homphaj.

Lubneej healthy church yog ibyaam tsi yoojyim totaub, DM hab Church Multiplication txhaj koomteg cobqha uake. DM yog qha txug cov qauv huv Vaajlugkub (Biblical principles) txug healthy church. Church Multiplication qha txug yuav coj cov qauv ntawd lug siv le caag rua huv pawg ntseeg txhaj ua tau. Kuv ntseeg tas yuav paab tau mej ntau pawg ntseeg, tabsis kuv xaav tas kuj yuav tsi yoojyim rua mej ibtxha. Ca kuv muab cov tseem ntsab rua mej le nuav:

1. Pawg ntseeg yuav tsum paub Vaajtswv teg dlejnum kws tso rua pawg ntseeg ua yog dlaabtsi? Nwg muaj 5 yaam, xws le moog tshaajtawm (winning), txhim khu kuas luj hlub (building), cobqha kuas txawj ua dlejnum (equipping), nqeg teg ua dlejnum (serving), hab tawm moog tsim dlua pawg ntseeg tshab (sending lossis multiplying). Cov ntseeg ua cov dlejnum nuav txug twg lawm?
2. Pawg ntseeg yuav tau cobqha cov tswvcuab kuas paub ua Vaajtswv 5 teg dlejnum kws has lug sau nuav. Xwbfbw hab cov txwjlaug yog cov cobqha.
3. Cov thawjcoj huv pawg ntseeg yuav tsum yog ib cov kws paub Vaajtswv txujlug hab paub txug Vaajtswv teg dlejnum zoo txhaj tsim nyog ua thawjcoj. Yog paub tsi paub paub yuav ua caag txawj qha coj cov ntseeg ua Vaajtswv dlejnum. Qhov kws pheed muaj teebmeem, yog ibco thawjcoj tsi paub.
4. HKM muaj nyob yog lug paab cov pawg ntseeg. Hab yuav paab npaaj cuabyeej (resources) rua cov pawg ntseeg kuas ua tau 5 teg dlejnum sau nuav. Thov suavdlawg siv HKM tej cuabyeej moog cobqha cov ntseeg. Muaj ntau yaam tub tsim tau lawm, tabsis tshuav ntau yaam tseem tsim tsi tau.
5. Pawg ntseeg yog lub hauvpaug ntawm kev ua Vaajtswv dlejnum.

## **Xwbfbw Tshab/Hloov**

Kx. Ntshab Vaaj Thoj rov moog ua xwbfbw hab moog nyob pawg ntseeg Owasso Hmong Alliance Church, Owasso, OK txij lub 3 hlis, nubtim 1, xyoo 2009.

Xf. Xeev Looj Thoj kawm tav TEE Level II hab ua xwbfbw (lay pastor) rua Hmong Christian Fellowship of C&MA Fitchburg, MA txij lub 4 hlis, nubtim 5, xyoo 2009.

## **Pawg Ntseeg Xaav tau Xwbfbw**

Cov pawg ntseeg nraag qaab nuav xaav tau xwbfbw lug ntev lawm, tabsis tsi muaj xwbfbw moog nrug paub nyob le. Thov Vaajtswv paab kuas Vaajtswv khaiv Nwg cov tubkhai moog nrug paub nyob.

Portland Hmong Alliance Church, Portland, OR

Gospel Hmong Alliance Church, Portland, OR

Chico Hmong Alliance Church, Chico, CA

San Diego Hmong Alliance Church, San Diego, CA

Dallas Fort Worth Hmong Alliance Church, Arlington, TX

Banning Hmong Alliance Church, Banning, CA

First United Hmong Alliance Church, Broomfield, CO



12287 Pennsylvania St.  
Thornton, CO 80241  
Phone: 303-252-1793  
Fax: 303-252-7911  
E-Mail:  
[tlkue@hmongdistrict.org](mailto:tlkue@hmongdistrict.org)

**Nyaj Txag 2008**

Tau	\$756,835.05
Siv	627,523.50
Seem	129,291.55
GCF	\$563,208.00

*Ua tsaug rua mej txhua  
pawg ntseeg kws sivzug  
txhawb HKM kev ua  
Vaajtswv dlejnum. Thov  
Vaajtswv foom koobmoov  
rua mej.*

*Kx. Nom Lwm Kwm  
Thawj Tsaavxwm*

## Kev Xaa Moo Zoo

Koomhum Qebsab tub qha rua cov xwbfbw paub taag lawm tas xyoo nuav nyaj txag tsi txaus siv rua cov tub xaa moo zoo. Yog le ntawd, ib txha yuav tau rov lug tsev. Koomhum Qebsab tau txavtxim sab xaa 30 leej rov lug tsev. Thov mej thov Vaajtswv pub rua cov tub xaa moo zoo nuav, vim tsi yoojyim rua puab yuav rov lug pib dlua ua neej tshab rua tebchaws nuav. Hab thov Vaajtswv paab kuas cov ntseeg siv zug paab nyaj rua peev nyaj xaa moo zoo (GCF) sub txhaj yuav tsi muaj teebmeem ntxiv.

Lub 6 hlis nuav Tais Nruag yuav rov lug tsev hab yuav tsi moog ua tub xaa moo zoo rua Open Door ntxiv lawm. Tabsis HKM yuav xaa Tais Nruag moog paab cov Moob Thaib. Yog mej leejtwg txaus sab yuav paab Tais Nruag kev ua Vaajtswv dlejnum thov mej xaa nyaj tuaj rua HKM tau.

Kx. Xeev Neeb Hawj ob tug tau rov lug tsev rua lub 2 hlis taag lug nuav. Obtug lug nyob Denver, CO. Ob tug yuav tsi rov moog ua missionary ntxiv lawm. Thov Vaajtswv pub rua ob tug hab.

Kx. Txooj Neeb Thoj ob tug yuav lug rua lub 8 hlis xyoo nuav hab. Thov mej paab thov Vaajtswv rua ob tug. Ob tug yuav lug nyob rua Minnesota.

Kx. Ceev Xwm Hawj obtug ob namtbxiv yuav rov moog lub 6 hlis nuav. Ncu ntsoov thov Vaajtswv pub rua ob tug hab. Ob tug muaj ib qhov outfit kws tsi muaj nyaj yuav, thov mej paab rua ob tug. Yog leejtwg txaus sab paab thov hu rua ob tug tau.

Lig Hawj tseem moog tour rua lub 4 hlis nuav hab yuav su lub 5 hlis. Tom qaab ntawd yuav rov moog rua Thaiteb lub 7 hlis. Thov mej paab thov Vaajtswv rua Lig. Lig los muaj vehicle Approved Special. Yog leejtwg xaav paab Lig yuav nwg lub tsheb thov xaa nyaj rua Koomhum Qebsab lossis xaa tuaj rua HKM los tau. Peb le maam xaa moog.

Kx. Nyiaj Kaub Lauj hab Kx. Yauhaas Yaaj ob tug ob tsev tuabneeg tseem noj qaab nyob zoo. Ncu ntsoov thov Vaajtswv pub rua ob tug hab. Lub 5 hlis nuav Kx. Nyiaj Kaub muaj cobqha cov xwbfbw Thaib. Ncu ntsoov thov Vaajtswv pub rua nwg.

“Txhais kus taw kws xaa moo zoo mas zoo nkauj kawg nkaus le” (Loos 10:15).

